

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 478653 25 St
Tuzla, 01.10.2025.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „BIANKO“ d.o.o za proizvodnju, promet i usluge Tuzla, ul. Brgule broj 11, koga zastupa punomoćnik Rizah Uljić, advokat iz Tuzle, nakon provedenog prethodnog stečajnog postupka, dana 01.10.2025.godine donio je:

R J E Š E N J E

OTVARA SE stečajni postupak nad imovinom dužnika „BIANKO“ d.o.o za proizvodnju, promet i usluge Tuzla, ul. Brgule broj 11, MBS:1-13083, JIB:4209667420009, račun broj: 3060340000066786 otvoren Addiko banke d.d. Sarajevo.

Za stečajnog upravnika imenuje Alma Topić iz Gračanice, ul. Riječka br.50, Gračanica.

ZAKLJUČUJE SE stečajni postupak nad imovinom dužnika „BIANKO“ d.o.o za proizvodnju, promet i usluge Tuzla, ul. Brgule broj 11, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 478653 25 St od 23.04.2025.godine, pokrenut je prethodni postupak radi utvrđivanja uslova za otvaranje stečajnog postupka nad imovinom 32 0 St 478653 25 St, a za privremenog stečajnog upravnika imenovana je Alma Topić iz Gračanice, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 13.05.2025.godine. Stečajni upravnik je utvrdio da je osnivač i direktor društva Nikica Jokić. Iz izvještaja privremenog stečajnog upravnika proizilazi da je Rješenjem Općinskog suda u Tuzli broj: 032-0-Reg-17-000847 od 21.04.2017.godine utvrđen prestanak obavljanja djelatnosti pravnog lica, stečajni dužnik nema imovine, zaposlenika. Obaveze stečajnog dužnika odnose se na neplaćene javne prihode prema Poreznoj upravi FBiH u iznosu od 8.868,15 KM, kao i prema UIO u iznosu 3.680,00 KM, a transakcijski račun dužnika kod Addiko banke d.d. je blokiran od 28.08.2017. godine, da društvo nije imalo prostorije u vlasništvu, a knjigovodstvena dokumentacije privrednog društva nalazi se kod ovlaštenog knjigovodstvenog servisa. Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika društva „BIANKO“ d.o.o za proizvodnju, promet i usluge Tuzla.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 14.08.2025.godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 65/25 dana 27.08.2025.godine, oglasnoj tabli suda dana 15.08.2025.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.